



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 36. Simulata pacis propositio.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

relinquere, ut, si induciæ inter utrumque Regem factæ rumperentur, quod propediem factum iri apparebat, a tergo securus totas vires in Insubres, & Subalpinam regionem immitteret, & oppida his in Provinciis a Gallis nuper capta recuperaret.

Aliunde sperabat, quod tunc, si intra id tempus cum Pontifice pax iniri non posset, tantisper temporis lucrifaceret, quo militem continuo militiæ labore fessum, & rerum omnium inopia laborantem reficere, munimenta capta firmare, ac rebus suis providere posset. Nec ingratiæ Caraffis induciæ fuere, ab omni re imparatis, & in dies Guisii auxiliares copias præstolantibus.

§. XXXVI.

Simulata pacis propositio.

Itaque ad conficiendum pacis negotium Fridericus Fantuccius Sedis Apostolicæ Nuntius a Pontifice, ab Albano autem Duce Pacecus, qui eidem a secretis erat, ad Philippum Regem ablegabatur; cum vero Fantuccius colloquii cum Duce habiti seriem Pontifici exponeret, facile is exinde animadverterat, quod Hispani firmam pacem inire cunctarentur, cum haud acceptandas proponerent conditiones. Aliunde etiam Pontificis animus erigebatur, eo quod brevi

Sæcul. XVI.

A C. 1556.

Pallav. l. 13.

c. 10. n. 15.

Aet. Consist.

20. Decemb.

Sæcul. XVI.
A C. 1556.

brevi auxiliares Gallorum copias Guisio ductore adventare speraret, quocirca animum convertit ad opportune impendendum induciarum spatium, ac præprimis Cardinalem Caraffam Pontificii Legati, sedisque Apostolicæ dignitate insignem Venetias, & Bononiam ablegat, idque in Patrum Senatu quarta Adventus Dominica, seu eo anno die vigesima Decembris habito Cardinalibus retulit, hujusque Legationis causas exponens præcipue hæc verba protulit. *Ideo Caraffam hoc titulo exornatum cupio, ut ille, qui acturus est de auxiliis Apostolicæ Sedi suppeditandis, non privato solum Pontificis, sed ejusdem Sedis nomine rem agat.*

Hanc agendi rationem Papa ab Albæ Duce didicisse videtur; hic enim scite Pauli IV. personam, quam parum æstimabat, sejunxerat a Sede Apostolica, quam plurimi habebat (*).

§. XXXVII.

Hæc Continuator ex Pallavicino mutuavit, cujus tamen verba hæc sunt: *Hanc agendi artem, visus est Paulus ab adversario didicisse; adeoque ubi Prorex æstimationem Pontificis elevare studuerat, illum ab Apostolica Sede sejungens, is Pontificis æstimationem, cum discreta Sedis Apostolicæ conjunctione, augendam curavit.*